

影印
文淵閣

四庫全書

影印

文淵閣四庫全書

第五九六冊

北京出版集團公司
北京出版社

本冊目次

宋宰輔編年錄

宋 徐自明著……………一

秘書監志

明 王士點
商企翁同撰……………七五三

翰林記

明 黃佐撰……………八五九

欽定四庫全書

史部
宋宰輔編年錄
目錄
卷一
序

詳校官太常寺少卿臣陳桂森

編修臣程嘉謨覆勘

總校官庶吉士臣張能照

校對官編修臣許兆椿

謄錄監生臣夏大鼎

欽定四庫全書

史部十二

宋宰輔編年錄目錄

職官類一官制之屬

第一卷

太祖皇帝

第二卷

太宗皇帝

第三卷

真宗皇帝

欽定四庫全書

綱年錄
目錄

第四卷

仁宗皇帝上

第五卷

仁宗皇帝下

第六卷

英宗皇帝

第七卷

神宗皇帝上

第八卷

神宗皇帝下

第九卷

哲宗皇帝上

第十卷

哲宗皇帝下

第十一卷

徽宗皇帝上

欽定四庫全書

編年錄
目錄

第十二卷

徽宗皇帝下

第十三卷

欽宗皇帝

第十四卷

高宗皇帝上

第十五卷

高宗皇帝中

第十六卷

高宗皇帝下

第十七卷

孝宗皇帝上

第十八卷

孝宗皇帝下

第十九卷

光宗皇帝

欽定四庫全書

編年錄
目錄

第二十卷

寧宗皇帝

臣等謹案宋宰輔編年錄二十卷宋徐自明撰自明字誠甫號慥堂永嘉人嘗官太常博士終零陵郡守始神宗命陳繹為拜罷錄元豐間司馬光復作百官公卿拜罷年表上之其後曾鞏譚世勛蔡幼學李燾各有撰述而缺畧未備自明因作此書以宋世官制中書

樞密為二府俱宰輔之職故自平章事參知政事樞密使知樞密院事及同知簽書樞密院事皆著其名位而詳其除罷黜陟之由編年系日起建隆戊午迄嘉定乙亥大都本之通鑑長編繫年要錄乙未錄東都事畧而又旁採他書以附益之本末賅具最為簡晰又據宋朝大詔令玉堂制草備錄其鎖院制詞更有裨於文獻宋史宰輔年表其紀述皆以此書為準而亦頗有錯互如建隆元年趙普拜樞副此錄在八月甲申而年表在戊子太平興國四年石熙載拜簽樞此錄在正月庚寅而年表在癸巳太平興國八年宋琪拜參政此錄在三月庚申而年表在癸亥雍熙三年辛仲甫拜參政此錄在六月戊戌而年表在甲辰此類極多足為讀史者考異之助至宋世所降麻制例載某人所行之詞此錄間

存姓名亦可備掌故特其中如端拱元年呂蒙正拜相制為李沆詞治平二年文彥博除樞密使制熙寧二年陳升之拜相制為王珪詞元符三年曾布拜相制為曾肇詞並見於宋文鑑而此反闕註撰人其他似此者甚多又熙寧四年陳升之起復入相以力辭不拜而制命已行其詞出元絳手亦見宋文鑑中乃并其文佚而不載俱不免有所挂漏然二百五十年間宰執之賢否進退畢具是編於以考國是而備官箴洵無愧淹通之目矣其書在寶祐間自明子居誼宰永福嘗刻之縣學後漸亡佚明嘉靖間大興呂邦耀始得抄本於焦竑家而缺其兩卷後周藩宗室勤美以所藏殘本補足因復梓而傳之焉乾隆四十一年二月恭校上

總校官陸費墀

欽定四庫全書

編年錄
目錄

六

欽定四庫全書

宋宰輔編年錄序

本朝大詔令登載相麻不及執政之制宰輔拜罷錄僅紀歲月名氏而揚廷乏命無述焉覽者病之故太常博士徐君自明纂成宋朝宰輔編年錄二十卷首起建隆庚申至于嘉定乙亥凡二百五十餘年本之以長編繫年錄緯之以大詔令拜罷錄與夫玉堂制草諸書而一時黜陟之由羣公評品之論奉常行實之攷旁引曲彙

欽定四庫全書

編年錄
序

一

靡有漏略其用心亦勤矣夫一代之盛則有一代之元勲碩輔鉅德豐功銘于燕巽鼎書于旂常竹帛固不待贊述其間賢佞進退正邪消長關於世道泰否者瞭然一覽之頃辭令云乎哉彼齊魯大臣史失其名漢相列傳獨書免冊是編也其亦足為信史羽翼歟君之子居誼宰永陽有蕙稱輟奉銍梓于學可謂能成先志者我宋億萬年無疆惟休臣亦有無窮之聞續而書之未
有艾云寶祐丁巳清明寶章閣學士通議大夫提舉

隆興府玉隆萬壽宮嘉興縣開國子食邑六百戶陸德輿序

永嘉徐常博自明作宋朝宰輔編年錄其子永陽邑大夫居誼刊之于梓謁序于予予曰宰輔者安危治亂之所寄也漢四百年稱蕭曹丙魏唐三百年稱房杜姚宋豈不憂憂乎其難矣哉國朝自建隆以至嘉祐趙韓王普李公昉宋公琪張公齊賢呂公蒙正呂公端李公沆向公敏中畢公士安寇公準李公迪王公旦王公曾晏

欽定四庫全書

編年錄序

三

公殊杜公衍富公弼文潞公彥博韓忠獻王琦又何其彬彬然盛也中間不幸而王安石相姦庸相繼庸則陳升之吳充韓絳姦則王珪蔡確韓縝元祐更化幸而有司馬文正公光呂正獻公公著范忠宣公純仁數人又不幸而章子厚相姦兇復相繼蔡京過于章子厚王黼過于蔡京若曾布趙挺之何執中劉正夫余深鄭居中微不及于厚京黼造禍者姦成禍者庸禍極于吳敏何桌輦而不可制矣若二人者又姦庸相半者也嗟夫人

耶天耶天將開建隆以來之治故名臣相項背天將兆靖康之禍故姦兇接武李公忠定綱言驗于疏水功驗

于圍城高皇帝以其為命世之英而相之不越七十有五日間之者黃潛善也忠定昭武人潛善亦昭武人並生而並相豈非天乎潛善罷忠定亦竟不得志趙公鼎張公俊忠定之亞也相皆不得久而久于其位者秦檜也忠定張趙金所惡也檜金所喜也其久其近天意可知矣自後相有可稱者陳公康伯陳公俊卿趙公汝愚

欽定四庫全書

編年錄序

三

而已中興而後又何其太寥落耶侂冑之徒則世目以為京檜者也賢者則不得久而侂冑之徒皆得久于其位此豈人耶予嘗論三代而上伊傅周召皆以儒者相大儒如孔子不過攝相而已孔子而後以儒得相者惟司馬文正公豈非盛哉然亦不得久何若神宗以所以待安石者早相司馬公及程公顥天下豈不被儒相之福耶論皇宋宰輔者每為之三太息常博之為是錄也于美惡皆不沒其實賢于世之類書多矣寶祐五年五

月開日龍圖閣學士朝奉大夫新知西外宗正事趙

開

故太常博士徐公永嘉之經師宿儒容止靖嚴言悉中
節行不越矩論著滿室蠅頭手筆無一字不端楷皆有
益于世教其錄宰輔也昉時年十八九執冊應對其間
粗審顛末後三十餘載欲板于三山郡齋而未果會公
之子居誼來宰永福政成能以俸金刻之縣學為一代之
盛典可敬也公字誠甫號愷堂終零陵郡守云寶祐
五年五月五日朝散郎集英殿脩撰提舉建寧府武夷
山冲佑觀永嘉縣開國男食邑三百戶賜紫金魚袋陳
昉謹書

欽定四庫全書

編年錄
四

司馬溫公既體春秋左氏傳為編年一書又欲倣班史
叙宋興以來百官沿革公卿除拜作百官公卿表以便
省覽今觀徐公編年惟及宰輔而百官不及則于省覽
為尤便宋朝歷代名德布滿百職輝映史冊先後相望
溫公猶思表而出之夫豈不足于夷攷而公之編年曰
姑舍是非略也婉諸作室之工書于棟者惟都料匠與

副之而梓人不與焉公之編年意或以是夫大臣之進

退臧否國之否泰繫焉關涉至大故公之為此書也自

建隆庚申訖嘉定乙亥其間元臣碩輔誥命所褒建議

所否出處之顛末德業之污隆長編繫年所不載拜罷

錄年表所不具而雜出于他書旁搜遠括靡有遺棄釐

為卷帙用工雖勤然操其樞要舉其宏綱賢于勞而寡

要者遠矣談者咸謂是書之成可觀世道吁豈惟是哉

觀慶厯之盛則杜富韓范之事業在所勉觀熙豐之事

欽定四庫全書

編年錄
五

則荆舒之學在所懲下不負所學則景行先哲區別邪

正以丕寅亮之規上不負吾君則追法前猷吹蕞往轍

蓋謹乎若時登庸之道則是書有補于世所以續皇家

萬億年無疆之休自此編年始真作宋一經者也公諱

自明嘗為太常博士子居誼宰永陽以廉名鳴琴之暇

取家藏之祕錄于邑序使岳世懿範不至無傳厥功不

在編年下寶祐丁巳八月朔中奉大夫福建路轉運判

官章鑄序

欽定四庫全書

宋宰輔編年錄卷一

宋 徐自明 著

太祖建隆元年 庚申

二月乙亥周宰相范質司徒加兼侍中 自守司徒兼門下侍郎同中書

門下平章事昭文館大學士參知樞密院事依前守司徒加兼侍中

王溥加司空 自尚書右僕射兼門下侍郎同中書門下平章事監脩國史參知樞密院事加守司

空兼門下侍郎同平章事

魏仁浦加尚書右僕射 自樞密使行中書侍郎同中書門下平章事集賢殿大學士依

欽定四庫全書 編年錄 卷一

前樞密使加尚書右僕射兼中書侍郎同平章事

國朝公唐故事以太尉司徒司空為三公以尚書令侍中中書令為三省長官以同中書門下平章

事為宰相以左右僕射為宰相官○守司徒司空唐故事雖三公亦必冠以文散階國初因之○宰

相所居省謂之中書門下侍郎者舊制三師三公左右無有不帶中書門下侍郎者舊制三師三公左右

僕射平章事並兼兩省侍郎者舊制三師三公左右相兼中書侍郎○宰相分領三館亦因唐及五代

之故首相為昭文館大學士其次為監脩國史又其次為集賢殿大學士○樞密院起於後唐莊宗

以郭崇韜為使始分掌朝政與中書抗衡晉廢復置自是相承不改周宰相范質王溥兼參知樞密

院事魏仁浦兼樞密使至是質溥皆罷參知樞密院事魏仁浦獨仍舊兼樞密使○官制沿革

制曰虞舜有納麓之功弗迷風雨夏后享錫圭之瑞乃

奠山川然後大洽謳謠光符揖遜顧惟涼德驟集鴻名

既用心以存公思與物而更始式宣景化屬在冢司乃

眷弼臣宜疇異數 具官鎮時雅量綿俗宏材明去就于

幾先識變通之可久岩廊益峻衡石無欺十載于茲萬

邦咸入 具官策名藩府佐命前朝冠顏子之四科陳臯

陶之九德秉彝不素惠迪有光寅亮之功措紳允矚 具官

魏仁 謙和有立謹重自持周旋三事之司練達萬幾之

欽定四庫全書 編年錄 卷一

務言無洩露望洽彌綸康濟之才邦家所注咨爾三后

弼予一人而皆稽玄象以酌羣情率具僚而遵外禪是

用進為常伯命作司徒叙百揆以奮庸張四維而是賴

於戲託王公之上既開國以承家倚輔相之臣期代天

而理物各踐厥位時維欽哉 本朝大詔令

國初命周朝三相同為一制至罷相亦然後太宗命宋琪李昉並相及李昉張齊賢並相其制亦同

自後二相並命皆各自為制云○國朝范普公質王文獻溥魏宣懿仁浦秉鈞史館昭文集賢三相

俱全自後太宗初即位薛文惠居正沈恭惠倫盧大戎多遜真宗咸平二年李文靖沆向文簡敏中

呂文穆蒙正仁宗至和二年劉文忠沆文潞公秀
博富韓公弼元祐初司馬溫公為左僕射文潞公
平章軍國重事呂正獻平章軍國事皆三相也至
三年溫公薨文呂二公在位而呂汲公大防范忠
宣純仁為左右僕射始四相然不久也五朝俱立
三相○本朝宰相兼公師者范魯公王夷獻趙韓
王薛文惠自後王文正丁晉公馮文懿王文公呂
文靖韓忠獻曾宣靖富韓公文潞公呂正獻蔡師
垣秦師垣陳魯公而已餘皆罷政
後方拜○揮慶錄○宰相兼公師

質字文素魏州宋城人溥字齊物太原榆次人仁

浦字道濟衛郡汲縣人○初質溥皆舉進士仁浦

少為刀筆吏隸樞密院周世宗朝自樞密承旨拜

欽定四庫全書

綱年錄
卷一

三

中書侍郎同中書門下平章事兼樞密使始議者

以仁浦不由科第進世宗曰顧才如何耳遂用之

王稱東都事畧○太祖以是年正月甲辰受禪于周二月

乙亥首用周朝三相范質嘗奏疏言宰相者以舉

賢為本職以掩善為不忠所以上佐一人開物成

務端明殿學士呂餘慶樞密副使趙普富有時才

精通治道經事霸府歷歲滋深自陛下委以重難

不孤倚仗每因款接備觀公忠伏乞授以台司俾

申才用今宰相輔未備久難其人以二人器能攀附

幸會孰謂不然上嘉納之李燾通鑑長編先是宰相見天

子必命生有大政事則面議之常從容賜茶而退

自餘號令除拜刑賞廢置但入熟狀畫可降出即

行之唐及五代皆不改其制猶有坐而論道之遺

意馬質等自以前朝舊臣稍存形迹且憚上英睿

每事輒具劄子進呈退批所得聖旨而同列署名

以志之嘗言于上曰如此則畫稟承之方免安庸

欽定四庫全書

綱年錄
卷一

四

之失矣上從之由是奏御寢多或至盥賜茶之

禮尋廢固弗暇于坐論矣遂為定式蓋自質等始

也○慶厯二年二邊用兵富文忠公為制誥建言

邊事繫國安危不當專委樞密周宰相魏仁浦兼

樞密使國初范質王溥為宰相兼叅知樞密院事

今兵興宜使宰相以故事兼領仁宗然之遂降制

以宰相呂夷簡兼判樞密院事章得象兼樞密

使南窓紀談

同日樞密使吳延祚同中書門下二品

延祚字慶之太原人太祖即位仍舊為樞密使除

同中書門下二品以父名璋故也是年五月詔親

征李筠以延祚為東京留守及征李重進又為東

京留守

八月甲申趙普樞密副使

自右諫議大夫樞密直學士兵部侍郎除

唐制省部寺監之官備員而已無所職掌別領內外任使而省部寺監別設主判官員額本朝尚循

唐制六部尚書侍郎與左右諫議大夫等官皆空存其名而無其實

欽定四庫全書

編年錄

五

普字則平范陽人太祖領定國軍節度使移鎮滑

許普皆在幕府最後為歸德軍節度掌書記太祖

受禪普以佐命功授右諫議大夫樞密直學士既

誅李筠普以功遷兵部侍郎除樞密副使

事畧本傳

建隆三年 壬戌

六月癸巳吳延祚罷樞密使

為雄武軍節度使依前同中書門下二品

先是制下前一日太祖謂延祚曰卿久在樞要年

齒漸高今與卿秦州以均勞逸明日制當出恐卿

以離朕左右不能無憂故先告汝云

范冲宰輔延拜罷錄

祚仍舊為樞密使凡二年五閱月延祚好儒學聚

書數千卷卒贈侍中子元扆尚太宗女蔡國公主

聚書至數萬卷積官至山南東道節度使國朝以

來尚主者獨稱其賢

事畧

十月辛丑趙普樞密使

自兵部侍郎樞密副使除檢校太保兼御史大夫充

御史臺雖有大夫員而不除四色憲衙自監察御史至御史大夫號為憲衙檢校則自國子祭酒至三公亦唐及五代舊制也而國朝遵之元豐

新制官名削去憲衙檢校官○官制沿革

欽定四庫全書

編年錄

六

制曰王者端居九重馭朽敢忘于大業躬決萬務坐籌

思得于良臣而況蕭曹故人燕趙奇士霸府早推于佐

命公朝允協於陟明

具官趙普

識洞化原才優王佐契風雲

之玄感稟象緯之純精首參開國之功實負致君之略

已升宥密方隆乃睠之恩未正樞機豈稱疇庸之典俾

膺重任用獎元勲爾其佐佑中人緝熙庶績無忝股肱

之寄勉伸帷幄之謀往其欽哉服我光寵

普在樞府四年而相

同日李處耘樞密副使自宣徽北院使右羽林衛大將軍除宣徽南院使檢校少保兼

宣徽南北院使唐末舊官也置院在樞密之北總四諸司及三班內侍等事國朝立南北宣徽院各置使以待久次侍從或寵前執政作帥位亞食樞俸同執政武臣數舊建節久次多以北院使處之或同簽書帶此官事見筆談與官制舊典○國朝小使臣供奉官而下皆隸宣徽院使恩禮遂同二府而班樞密副使之上雍熙中置三班院事專領小使臣授任而宣徽使如舊其後班級遂下樞密副使矣

處耘潞州上黨人初周世宗以處耘隸太祖帳下

為都押牙陳橋推戴處耘臨機決事謀無不中太

欽定四庫全書

編年錄

七

祖奇之累遷至宣徽北院使至是遂有此除

乾德元年癸亥建隆四年十一月改元

九月丁卯李處耘罷樞密副使責授滑州刺史

制曰昨者南出師徒俾令監護所宜宣力以副朕心但聞動恣胸襟每多率易既乖倚注合正刑章尚念已著徽勞特從寬典俾提郡印用示優恩

處耘自建隆三年十月除樞密副使至是年九月

罷在樞府僅一年○初朗州亂遣使求救于朝廷

太祖命襄州慕容延釗帥師赴之以處耘為湖南

道行營都監處耘自以受非常之遇思有以報臨

事專制不顧羣議由是與延釗不協更相論奏朝

廷以延釗宿將止罪處耘處耘亦不敢自明云拜

錄○太宗明德皇后處耘女也處耘累贈韓王子

繼隆積官至山南東道節度使開府儀同三司配

享真宗廟庭

乾德二年甲子

欽定四庫全書

編年錄

八

正月戊子宰相范質王溥魏仁浦並罷政事質自司徒

太子太傅溥自司空兼門下侍郎同平章事除太子太保仁浦自樞密使兼中書侍郎同平章

事依前守尚書右僕射東宮師傅以下官屬舊制不常設乃以三太三少

師傅除前宰相執為致仕官若太子太師太傅太保

以待宰相官未至僕射者及樞密使致仕亦隨本官高下除授太子太師太傅

制曰開物成務既伸佐國之功以逸代勞宜舉優賢之

典其有位叅四輔功著兩朝始終克茂於嘉猷進退敢

忘于異禮具官貞規鎮俗清德服人具官經緯全才播

紳雅望

具官魏
仁浦

素通儒術兼練武經而皆挺金石之淳

誠廓江湖之偉量夙夜匪懈知無不為佐予開叔之基
賴爾緝熙之績雖位隆三事所宜勉輔於冲人而日有
萬幾安可久煩於舊德俾令就第用解持衡升一品於
春官總六卿於會府永保崇高之秩用光翊戴之勲

三相自建隆元年二月拜相至是年正月罷並相

太祖四年南郊畢並再表求退仁浦以疾請告太

祖幸其第賜黃金器二百兩錢二百萬表乞骸骨

欽定四庫全書

編年錄
卷一

九

至是同制罷相或告病未寧或勤勞可憫並從優

禮云 李攸通今集編

李淑奏謀曰太祖用周朝三相五年而後以
趙普代之凡十年始以薛居正沈倫代之

質乾德初封魯國公質在相位所下制勅未嘗破

律命刺史縣令必以版籍為急使者按民田及獄

訟皆召見為述天子憂勤之意乃遣之時號賢相

事以乾德二年卒質寢疾上數幸其第臨觀質以

廉介自將五代以來宰相多取給於方鎮質始絕

之及卒上甚悼惜之贈中書令其後太祖因講求

輔弼謂左右曰朕聞范質居第之外不殖資產真

賢相也太宗亦素重質嘗對近臣稱累朝宰相以

為循規矩重名器持廉節無出質之右者其所不

足但欠世宗一死耳

長編

○溥自乾德元年十二月

加特進二年正月除太子太保開寶二年除太子

太師入謝上顧曰溥十年作相三遷一品福履之

盛近世所未有也

長編

故事一品班於臺省之後太

欽定四庫全書

編年錄
卷一

十

祖因見溥謂左右曰溥舊相當寵異之即令分臺

省班於東西遂為定制

拜罷錄

太平興國初封祁國

公卒贈侍中謚文康孫貽永尚太宗女鄭國長公

主仁宗朝拜樞密使○仁浦開寶二年從征太原

遇疾而卒謚宣懿以子咸信尚太宗女永慶公主

追封齊王咸信積官至保平軍節度使平章事

庚寅趙普拜相

自樞密使檢校太保授門下侍
郎同平章事集賢殿大學士

制曰閔散同功歸馬遂隆於周道蕭張叶力斷蛇因聲

於漢基必資佐命之臣以輔興王之業具官趙普功參締造
業茂經綸稟象緯之純精契風雲之良會洎贊樞機之
務屢陳帷幄之謀沃心方佇於嘉猷調鼎宜膺於大用
俾踐台衡之任仍兼書殿之榮爾其罄乃一心熙予庶
績君臣相正勿忘獻納之規夙夜在公勉致隆平之化
往服休命無愧前脩

范質等三相罷遂相趙普上既除普及樞密使李

宗矩乃無宰相署勅普因入奏其事上曰卿但進

欽定四庫全書

編年錄
卷一

上

勅朕為卿署字可乎普曰此有司所行非帝王事

也乃使問翰林學士講求故實竇儀曰今皇弟開

封尹平章事即宰相之任也上從儀言乃命皇弟

署勅長編普既拜相事無大小皆決於普太祖待普

如左右手是日監脩國史故事宰相兼勅皆用內

制處分今止用勅趙普監脩國史非舊典也蓋失

之事五年三月除尚書右僕射兼門下侍郎充昭

文館大學士○自唐以來方鎮多以賊入自擅而

上供殆鮮場院率令部曲主之厚斂以自利其屬
三司者輸額之外輒歸己或私納貨賂以事貢奉
用冀恩獎普勸太祖革其弊方鎮闕帥命文臣權
知所在場院間遣京朝官廷臣監臨諸道置轉運
使諸州置通判使主錢穀自是利歸公上又數
遣使者分詣諸道選本道兵驍勇者籍其名送京

師以備宿衛教習精練太祖每御便殿親臨試之

不數年兵甲精銳府庫充實皆普之謀也事普薦

欽定四庫全書

編年錄
卷一

上

曹彬潘美可用其後太祖征嶺南用潘美伐江南

任曹彬而二國卒平上同普佐太祖太宗定天下平

僭偽大一統當其為相每纔歸第則亟闔戶自啟

一篋取一書而讀之有終日者雖家人不測也及

翼旦出則是事決矣用是為常後普薨家人始得

開其篋而見之則論語二十篇普獨相凡十年沉

毅果斷以天下事為己任上倚信之故普得成其

功嘗欲除某人為官不合上意不用明日普復奏

之又不用明日又奏之上怒裂其奏投諸地普顏

色自若徐拾奏歸補綴明日復奏之上悟乃可其

奏後果以稱職聞編長○世多言本朝任相不專自

罷坐論之禮始嘗觀趙普相太祖十年雖置叅知

政事而不押班不知印普亦自信不撓訖用成功

上嘗欲使天雄節度符彥卿典兵普屢諫不聽宣

已出復懷之請見事遂中止又嘗怒殿前都指揮

使韓重贊欲誅之普以為不可上怒猶未解普開

欽定四庫全書

編年錄

三

陳愈切竟納其言兵權所在人臣最難言而趙普

罷符彥卿成命於已行之後貸重贊之死於將戮

之時任相猶謂之不專乎陳傳良建隆編乞罷符彥卿事乃普為樞密使

時事

同日李崇矩樞密使

自宣徽北院使右監門衛大將軍判三司遷檢校太保除

制曰出司財賦既彰幹蠱之功入掌樞機宜舉疇庸之

典具官李崇矩夙懷器業久著勞能守素履以不渝秉純誠

而益固洎居近列兼覽利權均用愛人不加於常賦濟

時成務但見於豐財考績斯多陟明惟允是用擢升宥

密特示倚毗叅予帷幄之謀罄爾彌綸之效沃心造膝

朕有望焉勉服訓詞無忘率勵

崇矩字元靖上黨人始樞密中書門下同一幕趙

中令末年太祖惡其專而樞密使李崇矩乃其子

婦之父故特命析之迄今不改事見筆談國朝中書樞

密先後上所言兩不相知以故多成疑貳然祖宗

亦賴此以聞異同之論用分宰相之權南憲紀談

欽定四庫全書

編年錄

十四

己亥王仁瞻樞密副使

自內客省使樞密院承旨除

仁瞻字子豐唐州方城人初永興軍節度使劉詞

薦其材可用太祖素知其名請於世宗隸帳下及

受禪遂擢用之

四月乙丑薛居正呂餘慶並叅知政事

並自樞密直學士兵部侍郎除

梁改樞密院為崇政院唐莊宗復舊名遂改為樞密直學士○石林燕語

居正字子平開封浚儀人餘慶世本燕人○太祖

初即位以歸德軍興王之地居正遂自觀察判官

權為給事中累遷兵部侍郎太祖歷滑許宋三鎮
餘慶並在幕府及即位累遷兵部侍郎是年初置
叅知政事為宰相副貳命居正及呂餘慶為之三
年二月餘慶以叅知政事出權知成都府時蜀初
平以執政莅藩自餘慶始也開寶五年以叅知政
事薛居正惟吉呂餘慶子惟恭並為西頭供奉官
是年十一月命叅知政事薛居正兼提點三司准
南湖南嶺南水陸轉運使事呂餘慶兼提點三司

荆南劍南諸州水陸轉運使事○上欲為趙普置
副而難其名稱召翰林學士承旨陶穀問曰下丞
相一等有何官對曰唐有叅知機務叅知政事遂
以樞密直學士兵部侍郎薛居正呂餘慶並本官
叅知政事不宣制不押班不知印不升政事堂止
令就宣徽使廳上事殿庭別設埽位於宰相勅尾
署銜降宰相數字月俸雜給皆半之蓋上意未欲
令居正等與普齊也至開寶六年上因雷有隣上

章告普私庇堂後官始有疑普意普恩益替六月
壬寅始詔叅知政事陞都堂與宰相同議政事庚
戌復詔薛居正呂餘慶更知印押班奏事以分其
權長編史臣李沆等曰按唐故事裴寂為僕射知政
事杜淹為御史大夫叅議朝政魏徵為秘書監叅
預朝政蕭瑀為特進叅議政事劉洎為黃門侍郎
叅知政事劉幽求為中書舍人叅知機務皆宰相
之任也又高宗欲用郭待舉等叅知政事既而謂

崔知溫曰待舉等歷任尚淺未可與卿同名稱遂
令於中書門下同受進止平章事以此言之平章
事亞於叅知政事矣今穀不能遠引漢御史大夫
亞相為對翻以叅知政事為下丞相一等穀失之
矣議者惜之○太祖始命叅政與宰相互知印時
議者謂穀為失然唐叅知政事固宰相之任曾何
以為百王不易之制殆稱謂適同爾官制輕重因
時蓋可見矣